

SAKSPAPIR

Saksnr	Utval	Type	Dato
046/19	Heradsstyret	PS	19.06.2019

Saksbehandlar	ArkivsakID
Bente Skjerping	19/373

Mjøsvågen Landhandleri AS - søknad om skjenkeløyve for alkohol, gruppe 1 og 2 - klage og oppmoding av ny handsaming av saka

Vedlegg:

Ref søknad serveringsbevilgning Mjøsvågen Landhandleri sak 028/19

Støtteskriv vedrørende søknad om skjenkeløyve ved Mjøsvågen Landhandleri sak 028_19

VS: Klage sak 028_19

Klage vedtak sak 028_19

Mjøsvågen Landhandleri AS - Søknad om skjenkeløyve for alkohol gruppe 1 og 2

resultset_247_2875_vedlegg9.pptx

resultset_247_2875_vedlegg4.pdf

Serverings- og eller skjenkebevilling (417299)_Skjult innhold

Rådmannen sitt framlegg til vedtak:

Rådmannen gjer ikkje nytt framlegg.

Heradsstyret - 046/19

HS - behandling:

Ordføraren, viste til ikkje offentleg vedlegg i saka, og bad om at dersom nokon hadde spørsmål/merknader knytt til dette, måtte møtet lukkast.

Kari L. Mjøs, KRF, bad om vurdering av sin gildskap i saka som tilsett i Mjøsvågen Landhandleri og som aksjeeigar i verksemda ho tok ikkje del i møtet ved avgjerd om gildskap - Bjarte Aarland, KRF, møtte som vara - 26 medlemmer/varamedlemmer til stades.

Ordføraren gjorde framlegg om å lukka møtet i medhald av kommunelova § 31, nr. 4, i samband med gildskapsvurderinga.

Heradsstyret slutta seg samrøystes til framlegget og møtet vart lukka.

Johannes Bysheim, AP, fekk høve til å uttala seg om spørsmålet om sin gildskap i saka i høve til opplysningane i saka frå klagar. Han tilbakeviste at det ligg føre ein konfliktsituasjon for hans vedkomande som kan ha påverka hans standpunkt i saka - han tok ikkje del i møtet ved avgjerd om gildskap - Sissel M. Romslo møtte som vara - 26 medlemmer/varamedlemmer til stades.

Annbjørg B. Herland, KRF, bad om vurdering av sin gildskap som tante til Johannes M. Bysheim.

Ole Johannes Mjøs, H, bad om vurdering av sin gildskap som onkel til Johannes M. Bysheim.

Dei tok ikkje del i møtet ved avgjerd om gildskap for sitt vedkomande - 24 medlemmer/varamedlemmer til stades.

Avrøysting gildskap

Ole Johannes Mjøs, H, vart samrøystes kjend gild

Annbjørge B. Herland, KRF, vart samrøystes kjend gild

Heradsstyret fann at det ikkje låg føre ugildskap direkte etter fvl. § 6, 1. ledd, bokstav a - e, og heller ikkje at det låg føre andre "særegne forhold" etter fvl. § 6, 2. ledd, som gir grunnlag for å kjenna dei ugilde i saka.

Ole J. Mjøs og Annbjørge B. Herland kom tilbake til møtet etter vedtaket - 26 medlemmer/varamedlemmer til stades.

Avrøysting - gildskap

Johannes M. Bysheim kjend gild med 21 røyster(7AP, 1uavh.,4H,2SP,2MDG,3KRF,1FRP,1V) - mot 5 røyster (5FRP)

Heradsstyret fann at det ikkje låg føre ugildskap direkte etter fvl. § 6, 1. ledd, bokstav a - e, og at det heller ikkje låg føre andre "særegne forhold" etter fvl. § 6, 2. ledd, som gir grunnlag for å kjenna han ugild i saka.

Møtet vart opna att etter gildskapsvurderinga.

Johannes M. Bysheim, AP, hadde fått permisjon frå møtet frå kl. 17.45 og kom difor ikkje tilbake til møtet til realitetshandsaminga av saka.

Kjersti Vevatne, V, fekk permisjon frå møtet frå kl. 18.00.

Permisjonen vart innvilga mot 1 røyst (1FRP), då ein ikkje hadde starta realitetshandsaminga av saka. 25 medlemmer/varamedlemmer til stades.

Lars Fjeldstad, SP, gjorde slikt framlegg: "I medhald av alkohollova §§ 1-4a og b, 1-6, 1-7, 1-7a, 1-7b, 1-7c, 4-2 og 4-4 vert det gjeve allment skjenkeløyve for all alkoholhaldig drikk, gruppe 1 og 2 til Mjøsvangen Landhandleri AS , org. nr. 920 997 252 for uteserveringsområde slik det er vist i vedlegg til saka.

Styrrar Ann Kristin Bolset Kleppe, f. 27.02.1989 og stedfortredar Randi Nordås, f. 14.06.1968, vert godkjende.

Type verksemd: Kafe/uteservering.

Skjenketid alkohol gruppe 1 og 2, måndag - laurdag: kl. 12.00 – kl. 20.00

Søndag : kl. 13.00 – kl. 18.00.

Vilkår: Uteområdet skal avgrensast i samsvar med innsend søknad. All alkohol skal skjenkast av personalet, og personalet skal ha tilsyn med uteområdet i heile opningstida. Sal og skjenking må leggjast opp slik at grunnlaget for utrekning av sals- og skjenkeavgift vert korrekt.

Skjenkeløyveperiode: 29.05.2019 – 30.09.2020.

Serveringsløyvet vert i medhald av Serveringslova § 3 utvida til å omfatta avskjerma uteområde."

Det vart halde pause i drøftingane frå kl. 18.00 - kl. 18.05 med gruppemøte for FRP, SP, H og MDG.

Det vart halde pause i drøftingane frå kl. 18.05 - kl. 18.15 med gruppemøte for AP, MDG,KRF og H.

Det vart halde pause i drøftingane frå kl. 18.20 - kl. 18.25 med gruppemøte for AP

Jon F. Blichfeldt, MDG, gjorde slikt framlegg: "Skjenkeløyve vert gjeve til Mjøsdalen Landhandleri AS i samsvar med søknad, med ein endring: Serveringstid sundagar vert frå kl. 13:00 og ingen skjenking under gravferder. "

Rita Tveiten, AP, gjorde slikt framlegg om tillegg: "Det vert eit vilkår at tapping og betaling for det som skal serverast av alkohol, skal gå føre seg i det avgrensa området der alkoholen skal konsumerast."

AVRØYSTING

Lars Fjeldstad sitt framlegg med slikt tillegg som

foreslått av Jon F. Blichfeldt - vedteke med 18 røyster (2SP,2MDG,6FRP,4AP,4H) mot 7røyster (3KRF, 3AP,1uavh)

Rita Tveiten sitt framlegg - vedteke med 13 røyster(7AP,1Uavh.,2MDG,3KRF) mot 12 røyster (6FRP,4H,2SP)

HS - vedtak:

"I medhald av alkohollova §§ 1-4a og b, 1-6, 1-7, 1-7a, 1-7b, 1-7c, 4-2 og 4-4 vert det gjeve allment skjenkeløyve for all alkoholhaldig drikk, gruppe 1 og 2 til Mjøsvågen Landhandleri AS , org. nr. 920 997 252 for uteserveringsområde slik det er vist i vedlegg til saka.

Styrar Ann Kristin Bolset Kleppe, f. 27.02.1989 og stedfortredar Randi Nordås, f. 14.06.1968, vert godkjende.

Type verksemd: Kafe/uteservering.

Skjenketid alkohol gruppe 1 og 2, måndag - laurdag: kl. 12.00 – kl. 20.00

Søndag : kl. 13.00 – kl. 18.00.

Skjenking er ikkje tillate når det er gravferd i Hosanger kyrkje.

Vilkår for skjenkeløyvet:

Uteområdet skal avgrensast i samsvar med innsend søknad. All alkohol skal skjenkast av personalet, og personalet skal ha tilsyn med uteområdet i heile opningstida. Sal og skjenking må leggjast opp slik at grunnlaget for utrekning av sals- og skjenkeavgift vert korrekt.

Tapping og betaling for det som skal serverast av alkohol, skal gå føre seg i det avgrensa området der alkoholen skal konsumerast.

Skjenkeløyveperiode: 29.05.2019 – 30.09.2020.

Serveringsløyvet vert i medhald av Serveringslova § 3 utvida til å omfatta avskjerma uteområde."

Saksopplysningar:

Saksopplysningar:

Bakgrunn

Heradsstyret handsama saka i møtet 28. mai d.å. og søknaden vart då avslått med 14 røyster mot 13

røyster.

Søkjar har i e-postar med vedlegg, datert 05. og 11. juni påklaga vedtaket og bede om ny vurdering av saka.

Søkjar viser til at driftsmodellen dei legg opp til stettar alkohollova sine krav og kommunen sine retningslinjer, jfr. rådmannen si saksutgreiing og støtteskriv dagsett 10. juni frå søkjar.

Dei har i tillegg bede om at opningstid for uteserveringa vert sett frå kl. 13.00 på sonadagar for ikkje å koma i konflikt med gudstenester i kyrkja. Dei vil og ta omsyn til gravferder og ikkje ha servering medan desse pågår.

Søkjar har og reist inhabilitetsspørsmål for ein av medlemmene i heradsstyret som deltok i handsaminga. Dette gjeld Johannes Bysheim, AP, som er tilsett ved Mjøs Metallvarefabrikk AS, der Øystein Øvsthus er aksjonær og personalansvarleg. Øystein Øvsthus er sambuar med søkjar og styremedlem og aksjonær i Mjøsvågen Landhandleri AS. I følgje søkjar har det vore ein konflikt på Mjøs Metallvare AS som vedkjem Johannes Bysheim, og der Øystein Øvsthus har vore sentral. Etter søkjar si vurdering er denne konflikta egna til å svekka tilliten til Johannes Bysheim og hans upartiskheit i saka, sjå vedlegg til saka.

Vurdering

Rådmannen viser til si vurdering og tilråding i tidlegare saksutgreiing. Endring av opningstida for uteserveringa til kl. 13.00 – kl. 18.00 i tråd med søkjar sitt ønske må vera greitt.

Gildskapsspørsmålet for Johannes Bysheim må heradsstyret sjølv ta stode til. Fvl. § 6 omhandlar gildskap i sakshandsaminga, og i dette tilfellet må gildskapen vurderast i høve til § 6, 2. ledd... «...*når andre seregne forhold foreligger som er egnet til å svekke tilliten til hans upartiskhet; blant annet skal legges vekt på om avgjørelsen i saken kan innebære særlig fordel, tap eller ulempe for ham selv eller noen som han har nær personligtilknytning til. Det skal også legges vekt på om ugildhetsinnsigelse er reist av en part.*

Heradsstyret må vurdere om det er ei konflikt, og om dette i så fall er eigna til å svekka tilliten til upartiskheit i saka.

Dersom ein ugild medlem har delteke i avgjerda kan vedtaket bli kjent ugyldig, dersom vedkomande si stemme kan ha vore avgjerande. I denne saka var det knappast mogeleg fleirtal, og ein må difor leggja til grunn at vedkomande si deltaking og røystegjeving i møtet kan ha påverka resultatet.

Dersom ein finn Johannes Bysheim ugild i saka, må heradsstyret ta opp saka på nytt og gjera eit nytt vedtak. Heradsstyret kan då ta oppretthalda tidlegare vedtak eller ta klagen frå søkjar til følgje.

Dersom Johannes Bysheim vert kjend gild i saka, må heradsstyret ta stilling til om ein vil oppretthalda tidlegare vedtak eller ta klagen frå søkjar til følgje.

Folkehelse	- ikkje vurdert på nytt
Miljø	- ikkje vurdert på nytt
Økonomi	- ikkje vurdert på nytt

Konklusjon

Saka vert lagt fram for heradsstyret til vurdering og avgjerd. Dersom klagen vert imøtekomen vil ein tilrå endring av opningstid på søndagar i tråd med søkjar sitt ønske.